

鄭鶴聲編

史

研究

商務印書館發行

661

員
教
專

鄭鶴聲編

史
漢
研
究

商務印書館發行

緒言

馬記班書，久爲學者所稱道傳習，故史漢之學，在中國已釐然有系統可尋。隋書經籍志「世有著述，皆擬馬班，以爲正史，作者尤廣。一代之史，至數十家，唯史記漢書，師法相傳，並有解釋。」（史部正史敍）崇文總目：「自司馬氏上採黃帝，迄於漢武，始成史記之一家。由漢以來，千有餘歲，其君臣善惡之迹，史氏詳焉。」（歐陽文忠公集）國史經籍志：「漢興，馬記班書，始變編年之體，後之爲史者祖之。」（正史敍）則馬班之書，同爲後學者所崇奉，蓋可知矣。

然則何爲而受人之崇奉如是耶？則其體制有勝於其餘諸史也。皇甫湜曰：「古史編年，至漢司馬遷始更其制而爲紀傳，相承至今，無以移之。編年紀事，束於次第，牽於流并，舉其大綱，而簡於敘事，是以多闕載，多逸文。乃別爲著錄，以備書之語言，而盡事之本末。故春秋之外，則有尚書，左傳之外，又爲國語，可復自左史於右，合外傳於內哉？合之則繁，離之則異，削之則闕。子長病其然也，於是革舊典，開新程，爲紀爲傳，爲表爲志，首尾具敘述，表裏相發明，庶爲得

中。將以垂不朽。自漢迄今，代已更八，年幾歷千，其間賢人摩肩，史臣繼踵，權古今之得失，論述作之利病，各耀聞見，競誇才能。莫能致其規模，殊其體統，傳而相授，奉以遵行，而編年之史遂廢，蓋有以也。」（持正文集紀傳編年論）晁公武曰：「編年紀傳，各有所長，而人皆以紀傳便於披閱，獨行於世，號爲正史。」（郡齋讀書志史部敍）章學誠曰：「編年之書，出於春秋，本正史也。乃班馬之學盛，而史志著錄，皆不以編年爲正史。」（章氏遺書補史考釋例）然則紀傳之勝於編年，實因紀傳體例錯綜，包羅宏富，不如編年體之單純故也。

然編年一體，學者亦有目之爲正史者。明史藝文志包紀傳編年於正史。四庫總目：「司馬遷改編年爲紀傳，荀悅又改紀傳爲編年，劉知幾深通史法，而史通分敍六家，統歸二體，則紀傳編年，均正史也。其不列爲正史者，以班馬舊裁，歷朝繼作，編年一體，則或有或無，不能使時代相續。故姑置焉，無他義也。」（史部編年敍）章學誠曰：「隋志以紀傳爲正史，而編年則稱爲古史，其實馬班皆法春秋，命其本紀謂之春秋考紀，而著錄家未之察也。唐志知編年之體之本爲正也，唐志以紀傳爲正史，而直以編年爲編年，乃是別出編年，爲非正史矣。是以

宋人論史，乃惜孫盛習鑿齒之倫不爲正史，幾於名實爲倒置也。」（史考釋例）又曰：「自隋經籍志著錄，以紀傳爲正史，編年爲古史，歷代依之，遂分正附，莫不甲紀傳而乙編年。則班馬之史，以支子而嗣春秋，苟悅袁宏，且以左氏大宗，而降爲旁庶矣。」（文史通義書教下）故章氏爲史籍考即以紀傳與編年並列，而總冠之曰正史，以示平等。然編年究屬紀傳中本紀一類，不足以包括書表志傳也。若其餘雜史諸體，則更自鄒以下矣。隋志所謂：「雜史屬事，皆不與春秋史記漢書相似，蓋率爾而作，非史策之正。」（隋志雜史敍）者是也。

「史漢之學」自漢魏以後，卽爲專門傳習，而漢書尤盛。隋書經籍志：「三國志及范曄後漢，雖有音注，既近世之作，並讀之可知。梁時明漢書有劉顯韋稜，陳時有姚察，隋代有包愷蕭該，並爲名家，史記傳者甚微。」（正史敍）劉知幾曰：「漢書始自漢末，迄乎陳世，爲其注解者，凡二十五家，至於專門受業，遂與五經相亞。」（史通正史）自唐以前，通行人間者，惟馬班范之史記前後漢三史而已，其次則三國志，所謂「漢四史」也。而唐人并以「三史」爲一科，以此科應舉得第者頗多，見唐書選舉志及各傳。蓋三史者，史家之眉目也。茲就史漢

兩家學者，略舉如次：

(1) 褚少孫 史記龜策傳：褚先生曰：臣以通經術受業博士，以高第爲郎，幸得出入宮殿中，十有餘年，竊好太史公傳。史記孝武紀注：韋稜曰：褚顗家傳云，少孫宣帝時爲博士，事大儒王式，故號爲先生。續太史公書。

(2) 楊惲 漢書楊敞傳：敞子忠，忠弟惲。惲母，司馬遷女也。惲始讀外祖太史公記，頗爲春秋，以材能稱，好交英俊諸儒，名顯朝廷。

(3) 馮商 漢書藝文志：馮商續太史公七篇。韋昭曰：馮商受詔續太史公十餘篇，在班彪別錄。商字子高。師古曰：七略云：商與孟柳俱待詔，頗序列傳，未卒。

(4) 楊終 後漢書楊終傳：終拜校書郎，受詔刪大史公書爲十餘萬言。

(5) 馬續 後漢書馬援傳：援兄子嚴，嚴七子，惟續知名。續字季則，博觀羣籍，九章算術，又天文志。孝明帝使班固敍漢書，而馬續述天文志。王訓故順帝時，漢書始出，多未能通，馬融從班昭受讀，後詔融兄續繼昭成之。

(6) 班昭 後漢書列女傳：扶風曹世叔妻者，同郡班彪之女也。名昭，字惠班，一名姬。博學高才。世叔早卒，有節行法度。兄固著漢書，其八表及天文志未及竟而卒。和帝詔昭就東觀藏書閣踵而成之。時漢書始出，多未能通者，同郡馬融伏於閣下，從昭受讀。後又詔融兄續繼昭成之。

(7) 張裔 三國志蜀志張裔傳：裔字君嗣，蜀郡成都人也。詔公羊春秋，博涉史漢。汝南許文休入蜀，謂裔幹理敏捷，是中夏鍾元常之倫也。

(8) 戴邈 晉書戴邈傳：邈字望之，少好學，尤精漢史。

(9) 蔡謨 晉書蔡謨傳：謨博學於禮儀，字廟制度，多所議定，文章論議，有集行於世。總應劭以來注班固漢書者，爲之集解。

(10) 劉殷 兩子：晉書孝友傳：劉殷有七子，五子各授一經，一子授太史公，一子授漢書，一門之內，七業俱興，北州之學，殷門爲盛。

(11) 裴駰 宋書裴松之傳：松之子駰，南中郎參軍，注司馬遷史記，行於世。

(12) 崔慰祖 南齊書文學傳：崔慰祖與從弟緯書云，常欲更注遷因二史，採史漢所漏二百餘事，在廚簏可檢寫之，以存大意。

(13) 韋稜 梁書韋叡傳：叡子稜，性恬素，以書史爲業，博物彊記。當世之士，咸就質疑。起家安成王府行參軍。著漢書續訓三卷。

(14) 臧嚴 梁書文學傳：臧嚴孤貧，勤學，行止書卷不離於手，於學多所諳記，尤精漢書。

(15) 陸雲公 梁書文學傳：陸雲公，字子龍，九歲讀漢書，略能記憶，從祖倕，沛國劉顯，質問十事，雲公對無所失，顯嘆異之。

(16) 劉顯 顏氏家訓：沛國劉顯，博覽經籍，偏精班漢，梁代謂之漢聖。顯子臻，不墜家業。

(17) 陸倕 蘇州府志：陸倕少勤學，所讀一徧必誦於口。嘗借人漢書，失五，行志四卷，乃暗寫還之，略無遺脫。昭明太子愛賢好士，倕與殷芸等同見禮於樂賢堂。

(18) 韋載 陳書 韋載傳：載少聰慧，篤志好學，年十二，隨叔父稜見沛國 劉顯。顯問涉書十事，載隨問應答，曾無疑滯。及長，博涉文史，沉敏有局器。

(19) 姚察 陳書 姚察傳：太建初，補宣明殿學士，除散騎侍郎，左通直，尋兼通直散騎常侍，報聘於周，江左耆舊先在關右者，咸相傾慕。沛國 劉臻竊於公館訪漢書疑事十餘條，並爲剖析，皆有經據。臻謂所親曰：名下定無虛士。所著漢書三十卷行於世。

(20) 楊汪 隋書 楊汪傳：折節勤學，專精左氏傳。其後問禮於沈重，受漢書於劉臻，二人推許之曰：吾弗如也。由是知名。

(21) 蕭該 隋書 儒林傳：蕭該性篤學，詩書春秋禮記，並通大義，尤精漢書。甚爲貴游所禮。後撰漢書及文選音義，咸爲當時所貴。

(22) 包愷 隋書 儒林傳：包愷從王仲通受史記，漢書尤稱精究。大業中，爲國子助教，於時漢書學者，以蕭包二人爲宗匠。聚徒教授，著錄者數千人。

(23) 李密 隋書 李密傳：密父寬，柱國 蒲山郡公，號爲名將。密師事國子助教包愷，受

史記漢書，勵精忘倦，愷門徒皆出其下。

(24) 劉臻：隋書文學傳：劉臻精於漢書，時人稱爲漢聖。

(25) 姚思廉：唐書姚思廉傳：思廉，陳吏部尚書察之子，少受漢書於察，盡傳其業，寡嗜欲，惟一於學。

(26) 姚班：唐書姚班傳：曾祖察，嘗撰漢書訓纂，而後之注漢書者，多竊取其義爲己說，班著紹訓以發明舊義云。

(27) 王綝：唐書王綝傳：綝字方慶，以字顯，起越王府參軍，受司馬遷班固二史於記室任希古，希古它遷，就卒其業。

(26) 鄒士美：唐書鄒士美傳：父純，字高卿，舉進士，拔萃制策皆高第。士美年十二，通五經史記漢書，皆能成誦。父友蕭穎士顏真卿柳芳相與論繹。嘗曰：吾曹異日，當交二鄒之間矣。

(29) 陸士季：唐書孝友傳：陸南金祖士季從同郡顧野王學左氏春秋，司馬史，班氏。

漢書。仕隋爲越王侗記室，兼侍讀。貞觀初，學士。

(30) 顏師古 唐書儒學傳：顏師古字籀，爲太子承乾注班固漢書，上之，賜物二百段，良馬一。時人謂杜征南、顏師古書爲左邱明、班孟堅忠臣，其所注漢書，大顯於時。

(31) 顏遊秦 唐書儒學傳：師古叔遊秦，武德初，累遷廣州刺史，封臨沂縣男。撰漢書決疑，師古多資取其義。

(32) 敬播 唐書儒學傳：敬播遷著作郎，房元齡患顏師古注漢書文繁，令掇其要，爲四十篇。是時「漢書學」大興，其章章者，若劉伯莊、秦景通兄弟，劉訥言，皆名家。

(33) 劉伯莊 唐書儒學傳：劉伯莊者，彭城人，爲弘文館學士，遷國子博士，與許敬宗等論撰甚多。舊唐書劉伯莊傳：龍朔中，兼授崇賢館學士，撰史記音義，史記地名，漢書音義各二十卷，行於世。

(34) 秦景通兄弟 唐書儒學傳：秦景通，晉陵人，與弟諱俱有名，皆精漢書，號大秦君。小秦君。當時治漢書非其授者，以爲無法云。

(35) 劉訥言 唐書儒學傳：劉訥言乾封中歷都水監主簿，以漢書授沛王，王爲太子，擢訥言洗馬兼侍讀。

(36) 李德裕 舊唐書李德裕傳：幼有壯志，力學，尤精西漢書。

(37) 李元植 舊唐書儒學傳：趙州李元植受三禮於賈公彥，博涉漢史及老莊諸子之說。

(38) 高子貢 舊唐書儒學傳：高子貢弱冠遊太學，徧涉六經，尤精史記。

(39) 王洙 宋史王洙傳：洙爲國子監說書，改直講，校史記漢書。

(40) 劉敞 宋史劉敞傳：敞弟洙，所著書百卷，尤邃史學，作兩漢刊誤，爲人所稱。司馬光修資治通鑑，專職漢史。

(41) 劉奉世 宋史劉敞傳：敞子奉世，字仲馮，歷端明殿學士，文詞雅贍，最精「漢書」學。

(42) 余靖 宋史余靖傳：靖舉進士，歷祕書丞，建言班固漢書舛謬，與王洙并校司馬

遷范曄二史書，奏擢集賢校理。

(43) 陳繹 宋史陳繹傳：繹中進士第，爲館閣校勘集賢校理，刊定前漢書，居母喪，詔卽家讎校。

(44) 婁機 宋史婁機傳：以資政殿學士知福州，力辭以歸，所著復有班馬字類，人多藏度焉。

(45) 蕭貢 金史蕭貢傳：貢好學，讀書至老不倦，有注史記一百卷。

以上略舉數人，史漢之學，魏晉爲盛，至唐而極矣。宋元以降，其流寢微。然則馬班之史，何爲而需傳習乎？章學誠曰：「夫馬班著史，等於伏孔傳經，大義微言，心傳口授，或欲藏之名山，傳之其人，或使大儒伏閣，受業於其女弟。豈若後代紀傳，義盡於簡篇，文同於胥史，拘牽凡例，一覽無遺者耶？」（文史通義和州志列傳序上）又曰：「書之未成，必有所取材，如遷史之資於世本國策，固書之資於馮商劉歆是也。書之既成，必有其傳述，如楊惲之布遷書，馬融之受漢史是也。書既成家，必有其攻習，如徐廣崔駰之注馬，服虔應劭之釋班是也。此家學淵源

之必待專篇列傳而明者也。」（文史通義永清志列傳序例）又曰：「夫馬班之書，今人見之悉矣，而當日傳之必以其人，受讀必有所自者。古人專門之學，必有法外傳心，筆削之功所不及，則口授其徒而相與傳習其業，以垂永久也。邊書自裴駰爲注，固書自應劭作解。其後爲之注者猶若干家，則皆闡其家學者也。」（文史通義史注）是則馬史班書系統昭然，亦可見矣。茲就其宋元以前重要注家，列表如次：

裴駰 史記集解八十卷（隋唐志著錄）

徐廣 史記音義十二卷（隋唐志著錄）

鄒誕生 史記音三卷（隋唐志著錄）

劉伯莊 史記音義二十卷（兩唐志著錄）

王元感 注史記一百三十卷（兩唐志著錄）

徐堅 注史記一百三十卷（兩唐志著錄）

李鎮 注史記一百三十卷 又義林二十卷（兩唐志著錄）

史記之部

陳伯宣 注史記一百三十卷（兩唐志著錄）

韓琬 續史記一百三十卷（兩唐志著錄）

司馬貞 史記索隱三十卷（兩唐志著錄）

張守節 史記正義三十卷（兩唐志著錄）

裴安時 史記纂訓二十卷（兩唐志著錄）

許子儒 注史記一百三十卷 又史記音三卷（鄭樵通志

著錄）

姚寬 史記集解□□卷（王圻續文獻通考著錄）

趙瞻 史記抵牾論□□卷（王圻續文獻通考著錄）

蕭常 史記注一百卷（王圻續文獻通考著錄）

張洪 史記要記□□卷（王圻續文獻通考著錄）

應劭 漢書集解二百十五卷 又漢書集解音義二十四卷

史漢注家人

(隋唐志著錄)

服虔 漢書音訓一卷 (隋唐志著錄)

韋昭 漢書音義七卷 (隋唐志著錄)

孟康 漢書音義九卷 (隋唐志著錄)

晉灼 漢書集注十四卷 又音義十七卷 (隋唐志著錄)

崔浩 漢書音義二卷 (唐志著錄)

孔文祥 漢書音義鈔二卷 (唐志著錄)

劉嗣等 漢書音義二十六卷 (唐志著錄)

夏侯詠 漢書音二卷 (隋唐志著錄)

劉顯 漢書注二卷 (隋唐志著錄)

劉孝標 漢書注一百四十卷 (隋志著錄)

梁元帝 漢書注一百十五卷 (隋志著錄)

漢書之部

蕭該

漢書音義十二卷（隋唐志著錄）

包愷

漢書音十二卷（隋唐志著錄）

項岱

漢書序傳八卷（隋唐志著錄）

劉寶

漢書駁議二卷（隋唐志著錄）

陸澄

漢書新注一卷（隋唐志著錄）

韋稜

漢書續訓三卷（隋唐志著錄）

姚察

漢書訓纂三十卷 又漢書集解一卷 又定漢書疑

二卷（隋唐志著錄）

顏遊秦

漢書決疑十二卷（兩唐志著錄）

僧務靜

漢書正義三十卷（兩唐志著錄）

李喜

漢書辨惑三十卷 又漢書正名氏義十二卷 又漢

書英華八卷（兩唐志著錄）